

紀文達公遺集

第一函
五十一冊

上

紀文達公遺集卷第一

孫樹馨編校

賦

聖駕東巡恭謁

祖陵賦

謹序乾隆十九年

臣聞祭不欲數所以深致其尊嚴祭不欲疏所以時通其親愛祖功宗德必申報以精禋春禘秋嘗皆合符於天道聖人制禮其義詳矣至於柏城山殿閼千歲之金鐙儀馬靈衣護萬年之玉匣銜珠僊鳥精爽長存繞鼎天龍英風如昨姬宗受籙初傳祭畢之文漢氏修儀屢

奏上陵之曲凡以神軒殷薦撫弓劍而不忘原廟瞻依
拜衣冠而申慕緣情制禮在古人未有常期因事旨虔
惟

聖主協其天則欽惟

皇帝陛下純心薦祚至孝通神肅肅雖已延禧於
清朝元元本本更作頌於高山燕及

皇天揚駿聲以昭德格於

藝祖告巡狩以明虔昔癸亥之年

親移六御曾以仲秋之吉恭謁

三陵播

前烈而有光，飲太和以示慶。禮行樂達，共浴厖鳩愛著。
懋存彌懷，對越但以。

神宮靜謐，非時不敢輕臨。

雲闕森嚴，無事不容數告。洎今闕逢御氣，歲陽回十幹。
之初闡茂司辰星紀際一周之候，本天舉事將奏，鼓以
思成率。

祖攸行用，翕河而哀對克昌厥後。緬懷幽館，遺基辟邁。
其邦復履壽邱舊邑，精符有感，織女星明。州絡所經，真
人氣應。

昊天其子，三靈叶大順之符。

先祖是皇百福答孔明之祀且夫帝王之孝在徧合其
歡心昭格之原在克揚其大烈昔者

帝出乎震天符彰元鳥之祥人始於寅王氣兆蒼龍之
野百靈受職降斗宿於黃神三尺親提耀炎精於赤帝
金支結蓋開天而位正中央玉弩垂芒闢地而威行東
北挹婁勿吉全收三葉遺墟韃韞句驪盡隸二南舊域
元狐授籙當年屢奮干戈白鹿呈圖今日莫非臣僕自
熱河取道吉林纘舊服也燕犀冀馬天下稱雄火帝雲
師

先皇教戰歌豳風之于貉公子爲裘咬渭水之非熊文

王卜獵舞昭七德未忘開國威靈詩詠四黃不廢乘時
講肄豺方祭獸弓矢斯張鳩始爲鷹爵羅可設非惟以
充乾豆備享祀于

神明實亦克詰戎兵用覲揚夫

光烈合圍十九繩

祖武也若乃黃祇孕氣肇王迹於神臯青帝含精闢奧
區於吉土天地長男之位鬱律居尊山河兩戒之交蜿
蜒聚勢華胥神母實感虹生申甫名臣亦緣崧降流泉
相度迹追築室之初喬嶽懷柔體頌時巡之日望祀長
白溯王業所由興也至於書銜木鳳號渙

明堂竿揭金鷄星空貫索引年尚齒示孝弟而涵柔賜
爵蠲租宜民人而嘉樂根荄暢遂蕃釐宣德產之精風
雨和甘滲漉達桐生之氣歌傳沛邑兒童俱奏三侯酒
置南陽父老齊呼萬歲非所謂孝子不匱永錫爾類者
耶况乎廟中境外仁孝同源神主民依天人合契流通
一氣將含識以知歸格被萬方自敷天之丕應虞廷饗
保王母貢其玉環周道尊親越裳獻其白雉

帝車東指兩都之輦道乃通天馬西徠萬里之流沙已
被正似鳴球來格感獸舞以徵祥亦如大禋是承載龍
旂而恐後又所謂孝治天下不遺小國之臣者矣夫周

書作訓禹跡方行商頌登歌湯孫奏假思文后稷推祖
德於陳常明昭有周播王權於式序莫不形容美盛震
耀古今臣幸際

聖朝備員翰苑西崑載筆本緣文字蒙

恩東壁觀書惟以詠歌爲職其敢不竭其膚末揚我休
明謹拜手稽首而獻賦曰

伊

世德之作求卜靈長之受祐襲氣母以斟元奠柔祇而
拓宇推開基之有自周詠生民緬降福之無疆商歌烈
祖

二京並建鴻都永峙於東西

九廟常尊世室不遷夫文武道光玉劵旣垂統於來茲
神閼珠邱宜薦馨於終古衍蒼牙之慶

帝系綿延彰紫氣之符

聖人作睹攝提合雒大揚

五葉天聲夔鼓龍旗克纘百年靈緒溯基豐邑曾殷禮
之肇稱報本

橋陵乃鴻儀之再舉爾其炎帝司天赤輻載駕羲和練
日朱鳥方中驗六宿之鉤陳瑤樞指北占四維之天目
玉輅巡東瑞節先行早戒期於舊國

安輿虔奉暫消夏於

離宮蓋昭德示和未舉明禋之盛而問安視膳已彰

聖孝之崇則有司隸戒途土方樹舍萬騎趨趯七駟整

暇

玉皇絳節雙龍夾轂以回翔

金母雲輶三鳥扶輪以上下望

行殿之崔嵬見旃裘之奔迓厥樊底貢爭看西旅之來
我馬旣同適飭東都之駕若以荒遠之潛孚而昭本原
之至化也於是津通析木地涉幽都躔分箕尾星帶龜
魚并鉞參旗摩坎宮以東轉軫收房駟臨丑位以斜趨

經過毳幕羶城重拜雙雙之豹尾漸至白山黑水新瞻
九九之

龍車大獮治兵時維八月陳師鞠旅

王用三驅貔虎熊羆赫矣聲靈之震疊風雲蛇鳥依然
開創之規模夫其兩廣舒張六花奇正立萬馬而不嘶
列八門而聽令象

祖宗之俟天休命也陣分鳥翼圍合魚麗方總干以山
立俄鳴鏑以風馳象

祖宗之應運興師也弧直星狼芒摧天狗批蒼兕之千
斤振奇鶻之九首象

祖宗之滌蕩九有也三品旣登五豸斯取爰解網以示
恩咸止歌以有序象

祖宗之永清大定修文偃武也別有犀手成羣鯨波無
際禮陳大獵橐楊柳以登鱣頌奏多魚取鰈鱠以供祭
忽來忽往鼉鼉若駕其橋梁一縱一橫鵞鵠宛成其陣
勢聚跋浪之雄材角凌波之精銳儼然見泛鴨綠蹙覺
華而兩平東裔也爾乃臨產谿之長江環采珠之巨澤
睇龍戰之大荒緬鷹揚之舊迹依稀水滸直父營居髣
髴夕陽公劉卜宅穆懷

祖烈紆

清蹕於吉林遙答神休薦嘉筵於長白是蓋創業所由
發祥斯在蟠地脈以尊嚴聳神峯而礪礪惟

聖帝之將興闕靈區以相待墮山有頌等於望秩燔柴
祀事初行亦似先河後海乃發肅愼乃向遼陽周原撫
膺殷土芒芒抵東北以回

鑾翠旌容裔指西南以移

蹕玉軼鏗鏘鴻雁聲多下千林之黃葉鯉魚風起落九
月之丹霜翠柏青松忽遙瞻夫

靈殿華旗芝蓋乃遠涉夫崇岡守以熊羆浮五雲於空
闊望如龍虎接一氣於青蒼是

鼎湖之所在而烏號之所藏也

天子於是召宗伯命太常陳廣牡列大房以妥以侑或肆或將奉鬱金以裸地燂蕭火以求陽薦兩敦而

親盥格

四聖於同堂推

始祖所自生則義通於禘當季秋而有事則禮近於嘗洞洞屬屬穆穆皇皇蓋溯帝嚳之淵源重來告潔因追宗周之謨烈以次升香繼謁福陵載瞻天柱肇承帝寶戰榆罔而興師怒奮天弧翦崇侯而整旅白旄黃鉞當年屢震

續文通公集卷一
天威玉戚朱干今日猶陳武舞畢然

太祖之指揮率土也

昭陵肅穆隆業嗟峨虎賁三千傳盟津之作誓降蕃十
四憶貞觀之揮戈澧水攸同澤在都人士女昆臺旣去
功存大地山河穆然

太宗之勲業不磨也斯時也祖義本仁化神氣盛萬國
合歡

一人有慶禮成福備已符百順之名孝享吉蠲允協九
如之詠蓋

列祖經綸草昧貽此珠囊而

皇帝提挈天綱握其金鏡思

前烈於丕承感

遺模於執競愾聞優見意蠲潔以常通崇

德報

功情纏綿而莫竟秋霜春露永懷十載之誠玉瓚黃流
乃致一朝之敬由其馨香之昭事仁孝純深所以典禮
之重光後先輝映是知奮武揆文不遺藩裔觀民設教
遠歷山川出紫塞之嚴關荒綏五百紆青羌之巨野道
路三千木葉峯頭兵瞻玉斧松花江上亦拜華旃固由
宣

天子之聲明朔南俱暨實則推

祖宗之仁愛中外無偏至於

彤庭啓

丹詔傳天膏沛愷澤綿肆夏一歌

王風胥洽由庚旣奏和氣畢宣祝保定者答鹿鳴之什
式燕樂者咏魚藻之篇型仁讓者眉壽介公堂之酒蒙
樂利者曾孫守原隰之田培本支於百世頌

天子於萬年又孰非推恩之所必及廣愛之有由然夫
岡陵三壽祀先致祝於作朋河岳百神洽禮歸原於允
保孝孫有慶集主祭之嘉祥上帝居歆荷配天之靈造